



EGUNEKO DIANAK




Nafarroako Ospitalea

Euskal Herriko ospitale publiko batean lehen aldiz bizkarrezur muinaren trasplantea egin diote gizon bati, Nafarroako Ospitalean hain zuzen, eta bertako mediku taldeak ziurtatu duenez, ondo irten da. / 11



Pierre Mehaignerie

Pierre Mehaignerie Justizia ministroaren identifikazio kontrolerako legedi berria onetsi egin zuen Frantziako Gobernuak: zilegi dira Poliziaren kontrol guztiak. / 16



Danimarkako Polizia

Maastrichteko erreferendumen emaitzak ezagutu eta gutxira, iskanbilak izan ziren Koppenhagen. Norrebron, langile auzoan, arrazakeriaren aurka manifestarien kontra tiro egin zuen Poliziak. / 17


Dani Kastaño: «Ilusio handiagor aritzen gara euskaldun berri garen bertsolariok»

L.L. ABERASTURI / GASTEIZ

«Dani Kastaño eta ez Kastaños». Hori da Gasteizko bertsolari gazte honek egin duen lehenengo zehaztapena: «Kastaños abizen euskalduna denez, bertsolaria izanda nere abizena hori dela uste du jendeak». Baina ez. Izan ere, Dani Gasteizen jaioa den arren, bere familia Zamorakoa da: «Batzuk harritu egiten dira hori entzunda, baina kanpokoak ere bertsolaritzan aritzea ona da. Hor daude Maia edo Silveira».

Duela urtebete egin zuen Danik bere lehenengo plaza, Prudentzio Deuna sarian hain zuzen, eta aurtien sari horretako bigarren postua lortu du, Zigor Enbeitaren atzetik. Urtebete Arabako bertsolaritza sari nagusian txapeldunordea izatea ez da marka makala, are gehiago duela bi urte bertsolaritzari buruzko berririk ez zuela kontuan hartzen bada. «Euskaltegian, mintzapraktika egiteko bertso saio bat ikustera joatea bururatu zitzaion norbaiti. Ez nuen bertsolaritzaren arrastorik ere eta erabat mirestuta geratu nintzen. Ez nuen ulertzen nola egiten zuten».

Euskara ikasten zegoenez, bertsoak horretarako tresnatzat hartzea erabaki zuen Danik, «horrela bata eta bestea gustura ikasten dira». Eta Danik gustura hartu zituen zalantzarik gabe. Eskolan beti A ereduaren ikusi zuen arren, Koldo Mitxelena institutura joan zen UBI euskaraz egin ahal izateko. «Gehiegi pentsatu gabe egin nuen aldaketa eta arazoak izan nituen», aitortu du gasteiztarrak. Klasean azaldutako guztia ulertzen zuen Danik, baina azterketetan eta hitz egiteko orduan etortzen ziren arazoak: «Egia esan ez nintzen



OLALDE

SOSLAIA

Bertso giro «inkognittoa»

Araban «bertso giro inkognittoa» dagoela dio Danik, bertako bertsolaritza ezezaguna dela adierazteko. Ez du kexati agertu nahi, baina Arabako bertsolaritzak arreta handiagoa merezi duela azpimarratu nahi du: «Ez dakizue zein indartsu datozen hamalau urtez beherako gaztetxoak!». Arabarren artean ere ilusioa piztu behar dela uste du: «Hemengo bertsozale bati eskolara joatea proposatu nion behin eta bere erantzuna, Arabako bertsolariok pringao hutsak garela izan zen». Danik badaki Araban euskaldun kopuru txikiagoaren oztopoa dagoela, «baina ez dugu horregatik amore emango».

hitz egitera ausartzen. «Daukadan azentu honekin zer pentsatuko dute?»; galdetzen nion nere buruari».

Baina arazoak gaintitu eta UBI ondo bukatu zuen bertsolari gazteak. «Urte osoa izan nuen trebatzeko eta gaipera, bertsolaritzak lagundu ninduen», dio. Orain Fisika ikasten ari da Leioako Fakultatean, euskal adarrean, «batere arazorik gabe».

Oraindik ere euskaraz mintzatzea izugarri kostatzen zaiola esan du Danik eta berak hala badio sinistu egin beharko zaio, baina berarekin hitz egin eta gero inork ez luke horrelakorik baietsiko. Berba errazeko gizona ez dela adierazi du: «Batzuetan oso ideia konplikatuak bada errazago egiten zait bertsoen bidez adieraztea, bertsotarako doinu lasai bategi ideiak ordenatzeko denbora ematen dit».

Euskaldun berria izateak egiten dituen akatsak barkatzeko balio diola azaldu du Danik, eta euskaldun berria izatearen ongaitzak neurtu ditu: «Hizkuntza ez dugu besteez adina menperatzen, baina era berean ilusio handiagor jartzen dugu. Euskaldun berria izateak ilusio handiagor aritzeko balio dit».

Orain arteko akatsak erraz barkatu zaizkion arren, hauek gaintitzeko asmoz astero bi orduz aritzen da Dani bertso eskolan, «gero gure artean ere biltzen gara lan gehiago egiteko, baina hori bakoitzak daukan denboraren arabera». Eskolan sartu zenean ez zen hutsetik hasi, aurretik bere kabuz nolabaiteko oinarria hartu zuelako, baina «Oihane Perea, Zigor Enbeitak eta Rikardo Gonzalez de Duranarekin teknika eta bertsogintza asko hobetu dut», azpimarratu du.

LERRO GUTXITAN

Arabako Berriak

Interes bizia piztu du jòan zen apirilaren 28an Gasteizen martxan jarri zen berri onen informazio agentziak. Informaziorako elkarte sozio-kulturala da Arabako Berriak, aberasteko asmorik gabe sortua eta berri onak besterik zabaltzen ez dituen. Julio Campuzano kazetaria izan da ekimen honen sortzailea eta jada EEBBetako, Argentinako eta Alemaniako zenbait komunikabidetatik deitu diote, jakinminez.

ONCE

ASTEAZKENA

63.624

ASTELEHENA 44.677

ASTEARTEA 90.507

OSTEGUNA

OSTIRALA KUPOTZARRA

IRUNGO BENTETAKO KOARTELA DESAGERTU EGIN-

GO DA laster. Iturri militarren esanetan, ekainaren baterako lekualdatuko dute bertako materiala Donostiako Loiola auzoko koartelera. Eraikin militarra zaintzen duten soldadu gutxi batzuk baino ez dira gelditzen bertan, aspaldi bidali baitzuten multzoa Donostiara. Ez da ezagutzen batailoi hau noizkoa den justu, baina gauza jakina da 1.588an jada existitzen zela. 1.894ean jaso zuen 'Colon' izena, egundaino gorde duena. Gerra Zibilaz geroztik mugaldea zaintzea izan du zeregin.

ZORNOTZAKO SAIHESBIDEA ERAIKITZEKO BI URTE


beharko dituztela jakinarazi zuten atzo Bizkaiko Diputazioetik. Guztira 3.265 milioi pezeta (149 milioi libera) kostako da eta trafikoa hirigunetik kanpora desbideratzea ekarriko du. Zornotza erditik pasatzen da N-634 errepidea eta 20.000 inguru kamioi igarotzen dira bertatik egunero. Barazargo mendatean hirugarren karrila eraikitzeke lanekin aurrera ekitea ere erabaki zuten atzoko bileran. 312 milioi pezeta kostako dira lanok.

DONOSTIAKO UDAL LIBURUTEGITIK

200 liburu ostu dituen Alejandro T.O. 20 urteko gaztea atzo atxilotu zuen Udaltzaingoak. Arropa artean eta poltsa batean liburuak zeramatzala ohartu ziren liburutegiko langileak. Atxilotetaren ondoren honen etxea miatu zuten eta lapurtutako beste 200 liburu atzeman.

TXORI KANTARIEN XXVIII. Lehiaketa antolatu du Portugalteko Lora-Berri elkarteak. La Floridako futbol zelaian izango da datorren igandean eta partehartzaileak Kantabria, Madril eta Euskal Herriko txoriak izango dira.

irrimarra



© Jon Zabaleta